

[PET-p tusagassiutitut nalunaarutaa]

## **2025-mi martsip aqqarnani Inatsisartunut qinersinermut atatillugu nunanit allanit sunniiniartoqarsinnaanera pisortanit alaatsinaanneqarpoq**

Issittumi pissaanilissuit unamminerat annertusisoq Kalaallit Nunaannilu qinersinissaq paasissutissanik eqqunngitsunik siammarterinermik ilaqarpoq, taamalu pisoqarnera nunat avatitsinniittut namminneq soqutigisamik siammarternissaannut atornerqarsinnaavoq. PET-p FE-llu maanna qinersinissamut atatillugu sunniiniarsinnaanissamut navialiffiusinnaasut pillugit avammut saqqummiussaqrput.

Nunat avataaniittut nunani allani aalajangiisartunut innuttaasunullu sunniiniarnissaminnut soqutigisaqrput. Soqutiginnineq illuatungaani pitsaasumik pissusissallu eqqortut atorlugit ingerlanneqarsinnaavoq, soorlu nunanik allanik attaveqaatit aqutugalugit, aningaasatigut kulturikkullu attaveqaqatigiinnermi, illuatungaani aamma unioqutitsinikkut sunniiniarneq ingerlanneqarsinnaasarpoq.

Nunarsuarmi annertusiartortumik isumannaatsuunissaq pillugu Kalaallit Nunaatalu Naalagaaffinngornissamut kissaateqarnera pillugu oqallunnerit qarasaasiatigut inuit naapittarfiini eqqunngitsunik paasissutissanik siammarterineq kinguneraa.

Inatsisartunut qinersinissap suaarutigineqarnissaata tungaasut qarasaasiakkut inuit naapittarfiini salluliutut profilinek arlalinnik sanasoqarsimavoq, tassani ilaatigut danskit kalaallillu politikikkut suliaqartuusaarlutik oqallinnermi sunniiniartoqarluni. Assersuuteqarpoq, kalaallit politikerii politikeriunngitsulluunnit oqaaseqaataat atuuffeqanngitsumik, imaluunnit namminneq anguniakkat sakkortusarniarlugit atornerqarput.

Pisut ineriartornerannut oqartussaasunit malinnaavigineqarpoq, ataavartumillu navialiffiusinnaasut nunatta avataanit tamat oqartussaaqataanerannut sunniiniutaasinnaasut ataavartumik malinnaavigineqarput. Tamanna soorunami kalaallit oqartussaasui qanimut suleqatigalugit ingerlanneqarpoq. Sulineq ilaatigut ministeriaqarfiit akimorlugit Sunnerneqarneq pillugu Taskforce, tassani Inatsiseqarnermut ministeriaqarfik, Nunanut Allanut ministeriaqarfik, Illersornissamut ministeriaqarfik, Inuiaqatigiit Isumannaatsuunissaanut Upalungaarsimanermullu ministeria, Naalackersuisut, Savalimmiormiut Naalackersuisui, FE, PET aammalu Inuiaqatigiit Isumannaatsuunissaanut Aqutsisoqarfik (SAMSIK).

2025-mi Inatsisartunut qinersinermut atatillugu avataanit sunnerneqarsinnaanermut ilisimatitsissut atuaruk [\[indsæt link\]](#).

2025-mi Inatsisartunut qinersinermut atatillugu sunniiniartunit navialiffiusinnaasut pillugit FE-mit PET-miillu naliliineq atuaruk [\[indsæt link\]](#).